



Warhafftige Zeitung von Coverden, was sich davor begeben und zugetragen hat, welcher Gestalt man die erobert und eingenommen hat. Die ander erschreckliche Zeitung, von dem Erbfeindt dem Turcken, wie er die Statt Wihitsch eingenommen, und mit den Einwonern so erbermlich umgangen, und in acht tausendt Menschen umbracht, geschehen, den 19. Junij 1592. Die dritte Zeytung, von dem Mosskowitter, wie er die Festung und Stat, die Teusche Narva genandt, eingenommen alles Volck erwörget, klein und gross, das Kindt in Mutterleib nicht verschondt

<https://hdl.handle.net/1874/9037>

Marhafftige Zeitung

Von Couerden/was sich daruor Begeben vnd
zugetragen hat/Welcher gestalt man
die Erobert/vnd Eingenomen ist.

Die ander Erschreckliche Zeitung.

Von dem erbfeindt dem Turcken/wie er die Statt
Wihitsch eingenomen/vnd mit den Einwonern so er-
bermlich ombgangen/vnd in Acht Tausendt
Menschen vmbbracht./

Geschehen/den 19. Junij. 1592.



IS



92

21 B
163

Die dritte Zeitung.

Von dem Moskowitter/wie er die Festung vnd Statt/
die Teusche Narua genandt/eingenomen alles
Volck Erwdrget/klein vnd groß/dastindt
in Mutter leib nicht verschont.

Von der Bestung Couerden/ welcher gestalt die selbe ein Bekommen ist.

Derhin ist ange zeigt worden das; Graff Moritz von Nassau nach dem er die Statt Steinweg erobert/vnnd ferners besatz/vnd mit seinem Kriesvolck daselbst auffgebrochen/vnd fur die Bestung vnd Schloß Couerden sich begeben/dasselb Belägert/vnnd härtinglich beschossen.

Wie nun der Graff für Couerden sein Läger geschlagen/vnd das Beschlus darauff gestellt/hatt er alsbalt das Haus im Namen der Niderländischen Staten/auff heissen lassen Die dann Geantwortet/sie betten Königlucher May von Hispania/einen Aydt gethan/Ihme sein Erblanden/oder wohn sie dann gefordert würden. mit Leib/ gut vnd blut/ zuschützen/zuschirmen/vnd zuuer thädigen. Wan dann nun sie die Staten/ein solch Haus vnd Bestung(welchs Ihne für dem Feindt zubewahren beuohlen Königlucher von Hispania Mayt. Erb gut. ab zunemen beda. wehren müsten sie thun als getreuen Kriegs knechten gebüeret/vnd lauch gethanem Aydt/gedacht weren sich zu weren/so lang sie Hendt vñ Fuß geregen köndten/ja bis auff den äussersten Bluts tropffen Ihres Leibs Sie gedächten nicht trewlos zu werden an Ihrem König vnnd Herren Weren deren zuuer sich wüßrens auch/wol Gott vnd Ihr Königwürde sie in solchen nöthen nit fiekeln lassen.

Als nun Graff Moritz ein solche hochmütige Antworten(darfür er sie achtet/bekommen/ist erhefftig/wie dann zuerachten erzöret worden/vnd hat anstundt/das Beschlüs abgehn lassen lassen/It also den tag welches waher den 22. Augusti/die Bestung gar hardt beschossen/weiches doch die Knecht darans wenigschrecket

Es haben sich die Hispanischen in aller eil/damit sie Couerden entsetzen möchren/auff gemacht/vnd am 25. gedachts Monats vnder Herck/bey Nider Wesel/ober den Rhin vier thausent zu Fuß/vnd funffzehn hunder zu Psrdt/ober geschiffet vnd landt uach Couerdenbegeben/vnnd den Feindt angefucht Weyl aber der Feindt sich der massen verschanket das sie Im nichts schaden könden/

Den 4. tag darnach/sein die Spanischen widerumb angezogen vnd sich in ein Dorff bey Wisen/drey Meyl vngefähr von der Staten Läger/gelägeret vnd beschanket/in meinung die Staten anzugreifen Haben also der Oberster von der Blauen Fahn/Mary genant/vnnd der Oberster Leute
nant

nant von der Koben fahn/ Mendo genant/ sampt ihrem vnderhabenden
Kriegsvolck/ zu Fuß/ zu Pferde/ auff den Morgen in aller still auff gewe-
sen/ deß von Hohenlohe Schanz angriffen/ welche sich in ganz still ge-
halten/ darauff dann die Hispanischen hefftig angetrungen/ Immittels
haben die Starren sich auß den andern Schanzen herfür geben/ in mei-
nung die Spanischen zu vmbbringen/ Welches die Hispanische gemerckt/
sein widerumb zuruck gezogen/ vñ sich nach ihrer Schanz geben/ der Sta-
den Volck/ ist inen hefftig nach gefolget/ vnd in die drey hundert todt ge-
blieben. Es haben die Hispanischen vnder wegen ein Dorff/ Emmelings-
genat/ (dieweil dieselb allen vorschub zur Belagerung gethan) In Brandt
gestochen.

Am vierten Septembris/ Ist die Bestung hart beschossen/ daß sich nie-
mandt auff dem Wall noch zu gegenwehr hat dürffen sehen lassen.

Am fünfften gedachtes Monats des Morgens vmb drey vñen/ hat
man widerumb angefangen zu schießen/ vñnd/ darauff als palt den Sturm
angeloffen/ sein aber von denen auff der Bestung/ Ritterlich abgeschlagen
worden/ das irer auch viel auff dem Blaz gebliben sein.

Den 6. September. ist der Staden Volck außgefallen/ in
der spanischen Leger/ bekamen in die 60. Pferde/ viel gefangen
Wunden in die 40. thot/ Nach dießem schaden/ Schickten die
Königlichen ein Drometter auß/ an G. Moris begerten ein Felt
schlacht von ihm/ aber G. M. in zur Antwort/ er köndt es auff
dihmal nicht warten/ er hette noch mit Couertten zu dü/ Was
das Vorrichttet were/ als dan Volt er ihn kommen/ als ein Kri-
ges Man/ sy vermeintden er solte sich/ mit seine Krieger Volck/
sich auß der Schanzen begeben/ Vnd dan die auß Couerden/
vnd also Zwiffen sich zu Bekommen/ In meinung also das Le-
ger auff Zuschlagen/ Dieweil aber G. Moris nicht wohl auff zi-
hen/ so war ein Edelman mit namen/ Johan von Steinwick/
der Degetlich bey G. Moris war/ welcher Edelman groß Cou-
uersacie mit des Königes Volck hatte/ den spanischen ein wech-
vber den Moras durch seinen jungen/ vnd alle gelegenheit wie
es im Leger ein gestalt hette/ vnd vmb die vñnd die Zeit/ solten
sie anfallen/ falches wart verfen/ Da der jonge wider kam/ wart
er von des G. Reiteur angesprochen/ det er seinen Hudt abe/ da
sahen sie ein klein brifflein zwischen den Haaren hangen/ darin
A ij fund

stundt omb welche Zeit sie wolten anfallen/ Solches wardt zur
G. Moritz Zugebracht/ diß wart als in der stille gehalten/ Da
vermeinde des Königes Valet ges were alles richtig/ Schickten
auf ihrem Leger/ 500. Man mit weissen Hemdern/ fielen das
Leger an/ Erlitten jm anfal was schaden/ also das jr in die 300
gesondt nicht dar von kamen/ In dem derten sie wieder ein An
fal/ gleich als die Lewen/ da aber das die in Couerden sahen/ ka
mē auch off den Waall/ lieffen ire Fenlein fliege/ aber da sie sa
hen/ das der Anschlag verloren war/ Zogen sie bald wieder abe/
die Königschen erlitten ein Grossen schaden. Das jr in die 600
vor der Staden schantz blieben/ durch das Geschus/ Welches
mit Ketten Kuglen Eisen geladen war/ viel Verwundt vnd Ge
fangen.

Das ist geschen/ den 7. tag September. Den 11. da die Kriges
leudt in Couerden sahen/ das die Entschüg nicht helfen mocht/
Haben sie ein Fane vnd Feur aufgestack/ haben einen Drome
schleger auf ins Leger geschick. bey G. Moritz/ begerten genade
Solches ist den tag im Stillstandt gebliben/ den 12/ seindt sie zu
Genadt angenommen/ des Morgens 9. vhr/ aber sie haben mus
sen schweren/ in 6. Monadt wieder die Staden nicht zu dienen.
Zu 10. vhren Zogen sie auf/ gelich als den von Steinwick wie
derfaren war/ weil sie sich so Ritterlich vnd Manlich gehalten
hatten.

Für dieser Bestung sein Sechs thausent vnd Etlich hunder
schos/ in zeit der Belägeung/ auß sechzehn Carthawen gesche
hen/ Das sie in die Thausendt man schaden erlitten haben/
für Conerden/ one die jenigen/ die in der Bestung gebliben.

Den 13. September/ wardt in den Stadischen Stetten ge
feirdt vnd Getrumpfirdt/ Was nun weisters drauff
erfolgen/ wirt die zeit mit bringen. Gott gebe
vns ein Seeligen Friden.

Erschreckliche zeitung/ auß Wien den 19. Junij

dieses 1592. Jars.

Wien haben wir er bermliche zeitung dz der Thurek die Statt vnd Vestung/ Wichitsch/ in Erabaten/ den 19. Junij/ Nach dem er sie an dreyn orten beschossen vnd Gesturmbt/ Aber die in der Statt/ haben sich dapffer vñ Ritterliche geweret/ vnd den Thurcken vier sturmb abe geschlagen/ aber zum 5. Sturm hat der wuttreiche Turck die Statt vnd Vestung bekomen/ vnd alles Erbermlich ermordt/ in die 8000. Christen nieder gehawen/ vnd auß befehl/ des Pasha von Posna/ in die 800. km der gefencklich nach der Thurckey gefurt/ die Jungfrawen vnd weiber geschendt/ vnd erbermlich omb bracht/ Die Capitein vnd Soldaten in dießem Wort bey Leben gewest/ hat er das Leben geschanck/ vnd sy beleiten lassen mit irer gewer/ aber die Turcken so sie Beleiten solten/ biß gen Slun/ haben sy aber vnder wegen Eilendich ombbracht/ So schreibt man auch von Cascha/ der Herr/ Dakü Firenz sey mit 160. Pferden auß geritten/ die Strassen zu besichtigen/ an welchen die Thurcken/ von Pese vnd Solneck komen sein/ vnd umrinckt haben/ vnd erschlagen/ das ihr nuhr zwen dauon wider zu Ruck kommen/ ihrer etliche dar uon gefangen/ vnd noch Offen gesandt/ die hat der Thurek/ in grosse Geschus stecken lassen/ dz doch Grausam zu hören vnd Erbermlich ist. welches sein Tag nie gehört ist/ Der whon ist fast der Reichste Herr in Vngern/ Schreibe Ma: An Key: es kontte nun vort nicht andes sein/ wo man ihz nicht zu hilffe keme/ so were es alles verloren/ dan sein Landt stoß an die Festung Wichitsch/ das doch Gott genedich verhutten wolte/ wo das geschehe/ moße der Graff von Serin Herr Nadassi vnd Pudiani hernach volgen/ Der Thurek hat etliche vestung/ in Vngern ein bekomen/ eins Theils besetzt/ vnd die vndertanen schweren lassen/ eins Theil/ aber zu stört/ vnd die einwoner zum Theil Erbermlich ombbracht.

Auch hat der Thurek die Festung Siffect hart Belegert vnd Beschossen/ aber die in der Festung/ sich Ritterlich gegen dem

Blut hunde geweret/ vnd in die 600 Thurcker dar vor verlorē
vndliche nun bey Gemorra vnd Rab/ vber die Hon derdt
Zahufende starck Raub/ Mordt/ Sebelt das arme volck vnd
furdt sy in schwere Dienßbarkeit/ Letzlich ist es ein grosser Ja
mer vnd hertzlich zubeklagen/ das man an vilen ortten in Teut
schland zugebt/ ein so schönes ansechlich Volck/ asudem landt
zulassen/ so wirs selbstten wol bedurfften/ Christ den anden/ aber
wol zuerachten Gott thue es vns zu einer straff/ das wir lengst
wol verdinēt haben/

Gott wolle sich der armen Cristen erbarmen/
vnd seinen zorn guedeg abewenden/ vnd vns
vor disem grausamen Wütten
ertseind gnedlich behuten.

Schreibens des Thürkischen Keyserz/
Soldan Soldanorum/ Amorat/ Thürkischer
Keyser/ vnd Babilonischer König/ Eyn König
der Egyptern/ der grossen vnd kleinen/ Ein
König Alexandria/ Boleten. Ein König der gan
zen Welt/ Besitzer der Statt Jericho/ Vnd ein Ver
weser des Irdischen Paradeis/ vñ des Heiligen Gr
abs/ Eyn Herr aller Kriegshöff vnd Ritterschafft/
Ein Herr zu Jerusalem/ Ein besitzer der Welt/ von
Auffgang der Sönen bis zu Nider gang/ Ein König
aller König/ Ein Herr aller Herren/ Ein Fürst aller
Fürsten/ Vñ der wille aller Götte die vff Erden seindt/
Ein Gott Jericho/ Ein Gott/ Machamet/ Vñ ein
Herr des Lebendigen Gottes/ vñ des Mors/ Ein vber
erwinder Daur/ Maur/ vñ anderer grossen Wasser/
Ein seindt vnd verfolger aller Christen.

**Auß Käuschen vnd Leifflandt/ was sich
alda mit dem wütenden Moscouiter im
Aprilo/ zugetragen hat.**

Nachdem nun ettliche Jar hero/ der Moscouiter
oder Keusch/ still gehalten/ vnd sich keines Kriegs bemü-
het/ Als geschicht immittels das Stephanus de Vveda,
König in Polen/ in Gott entschlafft. Vnd weil nun die Polen
zur Neuen Wahl eines Königs schritten/ sein sie aldo mit ein-
hellig befunden. Theils erwöhleten einen Fürsten auß dem
Durchleuchtigen Hause Oesterreich/ Andertheils erwöhleten
den Jungen König Sigismundum von Schweden/ Also daß sich
durch diese zertheilte Wahl/ ein Kriegs empörung daselbs
eräugen thet/ Aber solche empörung/ ist Liederlich abgelehnet
worden/ sonderlich weil der Erzhertzog nicht Bluhzgierich/
sondern ein fridliebender Fürst/ hat er dem Schweden die Po-
lische Cron freywillig/ damit Landt vnd Leuth nit betrüebet/ ge-
lassen. Solche freywillige vberlassung/ hat Sigismundus, sechs
ger zeit Polnischer König/ beherriget/ vnd deswegen Ime ein
Ehegemahl auß dem Hause Oesterreich erwöhlet/ Warumb
dann ettliche Polischen Herren/ nicht wol zufrieden/ sondern
ein discors, wie vorgemelt angestift haben. Welcher discordia,
der Moscouiter wahrgenommen/ sich des erfrewet/ vnd dero
zeit abgewartet. Weil nun (seines bedünckens nach) dieselbe kom-
men/ hat er sich eilent auffgemacht/ vnd sein Kreighvolck zusa-
men vergadert/ vberfelt darmit erschlich/ vngewarneter sacht/
die Keuschische Narue/ (ein starcke Satt vnd festes Schloß also
genant) nimbt dieselb ein vnd plundert sie. Nachdem er die bes-
sät/ zeugt er forderst für ein andere aber auß feste Statt/ sampt
dero Festung oder Schloß/ (die Teutsche Narue genant) belä-
gert dieselbe/ vnd zerscheust sie auffss eusserst. Welche sich dann
bestes vermögens nach/ in gegenwehr gestellt/ vnd sich lange zeit
Mänlich gehalten/ hat er zu lest dieselb/ (als die sich zu solchem
schnellen

Vergleichen

1891982

schellen überzug nicht versehen noch auch zum besten darauff gerüst/ sondern auff ihre sterke vnd feste sich zum theil verlas-
sen) mit gewalt vnd Sturmender handt eingenommen/ vnd al-
les erwürgt/ was er in der Statt vnd Schloß fandt/ beide
Man/Weib vnd Kindt/ Jungk vndt Alt/ ja des Kindts in der
Wiegen nicht verschonet. Als er nun alles lebendigs daselbs
vmbgebracht hatt er zu lez die Statt vnd Bestung/ ganz vnd
gar zer schleiff vndt zu nichten gemacht. darumb/ daß diß die
starckste Beste/ die daselbst als ein Pfortt des Landts/ gewesen
ist/ vnd allen Feindlichen anfall/ abzuwenden pflag: Er sich
deshalb nicht mehr zubeforchten/ sondern ein offen Landt vnd
eingang habe.

Von dannen ist er fort gerückt/ vnd sein Läger für die Statt
Felin geschlagen/ dieselb er auch nach wenig tagen/ dieweil er bey
hundert thaufent Man starck darfür/ Sturmender handt einge-
nommen.

Weil dann des Moscouiters Sin vndt gemüt stunde/ daß er
für die starcke vnd feste Statt Keuel/ ziehen wolte/ vndt dieselb
auch zu seinem willen vermeint zuhaben/ hat er ferners auff dem
wege die Statt Wiggelstein/ die dann nicht viel widerstandts
vndt gegenwehr gethan noch gethun kündte/ auch geplündert
vndt eingenommen. Vndt demnach er nun diese Stett vndt
Schloß besetzt/ ist er stracks auff Keuel zugezogen/ vndt dieselbe
Statt/ die doch von Naturen fest vndt starck/ vndt er auch zuvor
daruon mit schanden hat müssen weichen/ mehr dann mit hun-
dert thaufent Man belägert/ vndt sich hochmütiglich hören lal-
en/ Ja wan schon die Statt mitt ketten an den Hümel geschmis-
det were/ wolt er sie doch zu seinem willen haben. Verhoff aber
weil die Swalt bey Gott dem Herren/ vndt nit bey den
Menschen/ es soll diesem Wütrichen ebener
massen gehen/ wie es dem Holoferno
für Bethulia ergangen ist.

Gedruckt zu Colln durch/ Nicolaus Schreyber.